

La BCG vegn distinguida cun il titel «Top Arbeitgeber Schweiz 2013»

Cuira, ils 4 d'avrigl 2013 – La Banca Chantunala Grischuna (BCG) ha survegni sco ina da 16 interpresas il certificat independent «Top Arbeitgeber 2013». La banca ha surtut persvadi en las domenas benefits, pussaivladads da far carriera e cultura d'interpresa. Il CRF Institute ch'è spezialisà sin projects da management dal persunal internaziunals ha surdà il premi.

Sa basond sin in studi independent ha il CRF Institute certifitgà la BCG sco «Top Arbeitgeber Schweiz 2013». Per Alex Villiger, il manader dal persunal, cumprova il premi la dretga via da la BCG areguard las domenas direcziun e lavur dal persunal. «Nus essan ina patruna da lavur bainvisa en il Grischun, quai conferman er adina pli bleras persunas che turnan tar nus». Las raschuns sajan tranter auter la cultura d'interpresa faira e la libertad d'acziun che la banca porscha a sias collavuraturas ed a ses collavuratur.

Il CRF Institute ha analisà da maniera critica il management dal persunal da las interpresas premiadas e quai durant ina procedura da plirs stgalims. El ha examinà la bunificaziun, las prestaziuns socialas, la cultura d'interpresas, las schanzas da carriera, las praticas da scolaziun e da perfecziunament. Mo las interpresas che han adempli ils criteris severs da l'examinaziun han survegni suenter in process da questunari e dad audit profundà la certificaziun «Top Arbeitgeber Schweiz 2013». Ils audits ha l'institut realisà en stretga collavuraziun cun l'interpresa da revisiun Grant Thornton.

Alex Villiger ha surtut plaschair dal bun resultat da la BCG en las domenas da las praticas da scolaziun e da perfecziunament / las schanzas da carriera. «Dal punct da vista da las bancas sa chatta il Grischun a l'ur da la Svizra. Perquai promovain nus las fermezzas da noss persunal», declera el las pussaivladads da svilup tar la banca.

Ulteriuras infurmaziuns chattais Vus sin www.topemployers.ch u sin www.gkb.ch/jobs.

A Vossas dumondas respunda gugent:

alex.villiger@gkb.ch, manader dal persunal | +41 81 256 99 84

Il sector marketing & communicaziun As gida gugent a cuntanscher il pli svelto pussaivel Vossa persuna da contact:

As drizzai a thom.mueller@gkb.ch | +41 81 256 83 11

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. La banca occupa l'114 collavuraturas e collavuratur (stadi dals 31-12-2012). En il chantun Grischun cun sias numerusas vals e pliras linguas, è l'interpresa represchentada cun 68 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il resultat annual preschenta ella cun ina summa da bilantscha da CHF 19,364 milliardas in gudogn brut consolidà da CHF 217,5 milliuns. Il scrit da participaziun BCG è quotà a la bursa dapi ils 10 da settember 1985.

Termins

Rendaquint semestril 2013:

26 da fanadur 2013

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch